

二十四史九通政典類要合編

南北朝

第九冊

新平知

好學

PDG

二十四史九通政典類要台綱卷二百二十一

南北朝二十三

兵制

宋兵制 南齊兵制 魏兵制 北齊兵制 周兵制 隋兵制 教閱 車戰 舟師 水戰 陣伍 警備 兵仗 軍器 攻城戰具

宋文帝元嘉二十七年大舉伐魏以兵力不足悉發青冀徐豫二兗三州三五民丁情使暫行符到十日裝束緣江五郡集廣陵緣淮三郡集盱眙又募中外有馬步眾藝武力之士應科者皆加厚賞

江南白丁輕進易退卒以敗師

通考 兵考

元嘉中每歲爲後魏侵境令朝臣博議何承天陳備兵之要其大略一曰移遠就近以實內地二曰沒復城隍以增阻防三曰纂偶車牛以飭戎械四曰計丁課役勿使有闕

宋書何承天傳

右宋兵制

齊高祖受禪自泰始以來內外多虞將帥各募部曲屯聚建康李安上表請自非淮北常備外餘軍悉皆輸遣若親近宜以隨身者聽限人數上從之武帝末年魏孝文欲遷都洛陽聲言南伐詔發揚徐州民丁廣設詔募以備之

通考 兵考

右南齊兵制

後魏明元帝置四廂大將又放十二時置十二小將詔諸州六十戶出戎馬一疋大閱於東都署將帥以山陽侯奚斤爲前軍眾三萬陽平王熙等十二將各一萬騎

魏書明元帝紀

太武眞君十一年遣師南伐園盱貽遣賊質書曰吾今所遣鬪兵盡非我國人城東北是丁零與湖南是氐羌設使丁零死正可滅常山趙郡賊胡死滅并州賊氐羌死滅關中賊卿殺之無所不利

通考

兵考

孝文帝定都洛陽遷武勇之士十五萬人爲羽林虎賁以充宿衛其後詔軍士自代來者皆以爲羽

林虎賁司州民十二夫調一吏以供公私力役

通考
兵考

宣武時源懷奏邊鎮事少而置官猥多沃野一鎮自將以下八百餘人請一切五分損二從之

魏書
源懷

傳

孝明時任城王澄以北邊鎮將選舉彌輕恐賊虜闕邊山陵危迫奏求重鎮將之選修警備之嚴詔公卿議之廷尉少卿袁翻議以爲比緣邊州郡官不擇人唯論資級或值貪污之人廣開戍邏多置帥領或用其左右嫻親或受人貨財請屬皆無防寇之心唯有聚斂之意其勇力之兵驅令抄掠若值彊敵卽爲奴虜如有執獲奪爲己富其羸弱老小之輩微解金鐵之工少斲草木之作無不搜營窮壘苦役百端自餘或伐木深山或芸草平陸販賣往還相望道路此等祿旣不多賞亦有限皆收其實絹給其虛粟窮其力薄其衣用其功節其食緣冬歷夏加之疾苦死於溝瀆者什常七八是以鄰敵伺閒擾我疆場皆由邊任不得其人故也愚謂自今以後南北邊諸番及所統郡縣府佐統軍至於戍主皆令朝臣王公以下各舉所知必選其才不拘階級若稱職及敗官

并所舉之人隨事賞罰太后不能用及正光之末北邊盜賊羣起遂逼舊都犯山林如澄所慮

考兵

李崇長史鉅鹿魏蘭根說崇曰昔緣邊初置諸鎮地廣人稀或徵發中原強宗子弟或國之肺腑寄以爪牙中年以來有司號爲府戶役同廝養宦婚班齒致失清流而本來族類各居榮顯顧瞻彼此理當憤怨宜改鎮立州分置郡縣凡是府戶悉免爲民入仕次敘一准其舊文武兼用威恩並施此計若行國家無北顧之憂矣崇爲之聞奏事寢不報

北齊書魏蘭根傳

廣陽王深上言先朝都平城以北邊爲重盛簡親賢擁麾作鎮配以高門子弟以死防遏非唯不廢仕宦乃更獨得復除當時人物欣慕爲之太和中僕射李冲用事涼州土人悉免廝役帝鄉舊門仍防邊戍自非得罪當世莫肯與之爲伍本鎮驅使但爲虞候白直一生推遷不過軍主然其同族留京師者得上品通官在鎮者卽爲清途所隔或多逃逸乃峻邊兵之格鎮人不聽浮遊在外於是少年不得從師長者不得遊官獨爲匪人言之流涕自定鼎伊洛邊任益輕唯底滯凡才乃出爲鎮將相模習專事聚斂或諸方姦吏犯罪配邊爲之損蹤政以賄立邊人無不切齒及阿那瓌背恩蹤掠發奔命追之十五萬眾度沙漠不日而還邊人見此援師遂自意輕中國尙書令臣崇求改鎮爲州抑亦先覺朝廷未許而高闕戍主御下失和拔陵殺之遂相帥爲亂攻城掠地所過夷滅王師屢北賊黨日盛此段之舉指望銷平而崔暹隻輪不返臣崇與臣逡巡復路相與

還次雲中將士之情莫不解體今日所慮非止西北將恐諸鎮尋亦如是天下之事何易可量書

奏不省

魏書宗室諸王傳

孝明神龜二年征西將軍張夔子仲瑀上封事求銓削選格排抑武人不使豫清品於是誼謗盈路立榜起期集會屠其家二月羽林虎賁近千人直造其第焚殺夔父子遠近震駭胡太后收羽林虎賁凶强者八人斬之其餘不復窮治大赦以安之高歡時給使至洛歸而散家財以結客曰宿衛相帥焚大臣之第朝廷懼其亂而不問爲政如此事可知矣

通考兵考

按先儒因高歡之言以爲當時不能伸張夔之冤酷殲羽林之驕橫可以見魏政之不綱然愚嘗考之拓跋氏起自雲朔據有中原兵戎乃其所以爲國也羽林虎賁則宿衛之兵六鎮將卒則禦侮之兵往往皆代北部落之苗裔其初藉之以橫行中國者

孝文詔軍士自代來者皆以爲羽林虎賁

自孝文定鼎伊

洛務欲以夏蠻夷遂至矯枉過正文鄙武六鎮兵卒多擯棄之有同奴隸邊任浸輕裔夷內侮

魏之衰弱實肇於此任城廣陽二王之言可見當時爲國遠慮者正當少遵制造之規優假介胄之士以救其偏而變復欲排抑武人不豫清品且當時幼主尸位政出房閹選舉無章賢否混雜所謂清品豈皆佳士而獨欲擯羽林虎賁使不得預乎軍士賊殺大臣而不能討紀綱隳矣然夔父子謀之不臧固有以取死也

通考兵考按

右魏兵制

北齊軍制別爲內外領之二胄外步兵曹內騎兵曹十八受田二十充兵六十免役頗追古意

通考兵考

神武王將出兵拒魏行臺郎中杜弼請先除內賊歡問內賊爲誰弼曰諸勳貴掠奪百姓者是也歡不應使軍士皆張弓注矢舉刀按稍夾道羅列命弼冒出其間弼戰慄流汗歡乃徐諭之曰矢雖注不射刀雖舉不擊稍雖按不刺爾猶亡魂失膽諸勳人身犯鋒鏑百死一生雖或貪鄙所取者大豈可同之常人也弼乃頓首謝不及歡每號令軍人常令丞相屬代郡張華原宣旨其語鮮卑則曰漢民是汝奴夫爲汝耕婦爲汝織輸汝粟帛令汝溫飽汝何爲陵之其語華人則曰鮮卑是汝作客則汝一斛粟一疋絹爲汝擊賊令汝安寧汝何爲疾之

北齊書杜弼傳

右北齊兵制

周太祖輔西魏時用蘇綽言始倣周典置六軍籍六等之民擇魁健材力之士以爲之首盡蠲租調而刺史以農隙教之合爲百府每府一郡將主之分屬二十四軍開府各領一軍大將軍凡十二人每一將軍統二開府一柱國主二大將將復加持節都督以統焉凡柱國六員眾不滿五萬人

通考兵考

通考兵考

閔帝時改八丁兵爲十二丁兵率歲一月一役

武帝旣誅晉公護始親政初周太祖爲魏相立左右十二軍總屬相府太祖殂皆受晉公護處分凡

所徵發非護書不行護第屯兵侍衛盛於宮闕帝旣親政始收兵權旣克齊之後并相各置六府而

通考兵考

右周兵制

隋兵制大抵仍周齊府兵之舊而加潤色其十二衛曰翊衛曰驍騎衛曰武衛曰屯衛曰禦衛曰候衛各分左右皆置將軍以分統諸府之兵有郎將副將坊主團主以相統治其外又有驃騎車騎二府皆有將軍後更驃騎曰鷹揚郎將車騎曰副郎將別置折衝果毅此府兵之大略也

通考兵考

文帝開皇八年以伐陳置淮南省於壽春以晉王廣爲尙書令冬十月出師凡總管九十兵五十一萬八千皆受晉王節度

隋書高祖紀

九年平陳詔曰今率土大同含生遂性太平之法方可流行凡我臣民澡身浴德家家自修人人克念兵可立威不可不戢刑可助化不可專行禁衛九重之餘鎮守四方之外戎旅軍器皆宜停罷世路旣夷羣方無事武力之子俱可學經民閒甲仗悉皆除毀頒告天下咸悉此意

通考兵考

十年詔曰魏末喪亂軍人權置坊府南征北伐居處無定家無完堵地空苞桑朕甚愍之凡是軍人可悉屬州縣墾田籍帳一與民同軍府統領宜依舊式罷山東河南及北方緣邊之地新置軍府

隋書高祖紀

煬帝大業八年敕四方兵皆集涿郡伐高麗左右各十二軍凡一百一十三萬二千八百人號二百萬其餽運者倍之帝親授節度每軍大將亞將軍各一人騎兵四十隊隊百人十隊爲團步卒八十隊分爲四團團各有偏將一人其鎧冑纓拂旗幟每團異色受降使者一人承詔慰撫不受大將節制其輜重散兵等亦爲四團使步卒挾之而行進止立營皆有次敘儀法

隋書禮儀志

右隋兵制

宋文帝依故事肄習眾軍兼用漢魏之禮其後以時講武於講武堂

餘見田獵門
通考兵考

文帝元嘉二十年二月甲申車駕於白下閱武

宋書文
帝紀

元嘉二十五年春二月庚寅詔曰安不忘虞經世之所同治兵教戰有國之恆典故服訓明恥然後

少長知禁頃戎政雖修而號令未審今宣武場始成便可刻日大習眾軍當因校獵肄武講事

宋書
文帝

紀

孝武帝孝建二年九月丁亥車駕於宣武場閱武大明五年二月癸巳車駕閱武詔曰昔人稱人道

何先於兵爲首雖淹紀勿用忘之必危朕以聽覽餘閒因時講事坐作有儀進退無爽軍幢以下普

量班賜

宋書孝
武帝紀

大明七年春正月癸未詔曰春蒐之禮若自周令講事之語書於魯史所以昭宣德度示民軌則今

歲稔氣榮中外寧晏當因農隙葺是舊章可尅日於元武湖大閱水師并巡江右講武校獵十一月

癸巳車駕習水軍於梁山

宋書孝
武帝紀

右宋教閱

南齊永明二年八月戊申車駕幸元武湖講武

南齊書
武帝紀

永明四年閏月戊午車駕幸宣武堂詔曰今親閱六師少長有禮領馭郡帥可量班賜

南齊書
武帝紀

永明九年九月戊辰車駕幸瑯邪城講武觀者傾都普班酒肉

南齊書武帝紀

右南齊教閱

陳後主至德四年秋九月甲午車駕幸元武湖肄鱸艦閱武宴羣臣賦詩

陳書後主紀

右陳教閱

魏昭成帝建國五年秋七月七日諸部畢集設壇塢講武馳射因以爲常

魏書昭成帝紀

道武帝登國六年秋七月壬申講武於牛川

魏書道武帝紀

登國八年秋七月車駕臨幸新壇庚寅宴羣臣仍講武

魏書道武帝紀

登國十年八月帝親治兵於河南

魏書道武帝紀

皇始元年八月庚寅治兵於東郊

魏書道武帝紀

天興二年秋七月辛酉大閱於鹿苑享賜各有差

魏書道武帝紀

明元帝永興二年秋七月丁巳立馬射臺於陂西仍講武教戰

魏書明元帝紀

永興五年正月己巳大閱畿內男子二十以上悉集己卯幸西宮頽拔大渠帥四十餘人詣闕奉貢

賜以繒帛錦罽各有差庚寅大閱於東郊部署將帥帝臨白登躬自校覽焉

魏書明元帝紀

永興五年以九月十月帝親行驅劉之禮

通考兵考

太武帝始光元年九月大簡車徒治兵於東郊部分諸將五萬騎

魏書太武帝紀

始光二年冬十月治兵於西郊四年夏四月治兵講武

魏書太武帝紀

延和元年夏五月大簡輿徒於南郊

魏書太武帝紀

太平眞君九年九月乙酉治兵於西郊十一年八月癸未治兵於西郊

魏書太武帝紀

文成帝興安二年九月壬子閱武於南郊

魏書文成帝紀

孝成帝和平三年因歲除大儺遂耀兵示武更爲制令步兵陳於南騎士陳於北各擊鐘鼓以爲節度其步兵所衣青赤黑黃別爲部隊楯稍矛戟相次周迴轉易以相赴就有飛龍騰蛇之變爲函箱魚鱗四門之陣凡十餘法跪起前却莫不應節陣畢南北二軍皆鳴鼓角衆盡大譟各令騎將六千人去來挑戰步兵更進退以相拒擊南敗北捷以爲威觀自後以爲常

通考兵考

孝文帝延興四年八月戊申大閱於北郊五年冬十月太上皇帝大閱於北郊

魏書孝文帝紀

太和五年二月己酉講武於唐水之陽三月辛酉朔車駕幸肆州癸亥講武於雲水之陽九月庚午

閱武於南郊大享羣臣

魏書孝文帝紀

太和十六年八月癸丑詔曰文武之道自古並行國家雖崇文以懷九服修武以甯八荒然於習武之方猶爲未盡今則訓文有典教武闕然將於馬射之前先行講武之式可敕有司豫修場埒其列陣之儀五戎之數別俟後敕

魏書孝文帝紀

太和十八年八月丁未幸閱武臺臨觀講武

魏書孝文帝紀

太和十九年春正月壬午講武於汝水之西大資六軍

魏書孝文帝紀

太和二十年九月戊辰車駕閱武於小平津癸酉還宮

魏書孝文帝紀

太和二十二年三月庚寅行幸樊城觀兵襄沔耀武而還

魏書孝文帝紀

宣武帝景明三年九月丁巳車駕行幸鄴戊寅閱武於鄴南

魏書宣武帝紀

右魏教閱

後齊常以季秋皇帝講武於都外有司先萊野爲場爲三軍進止之節又別塹於北陽輿駕停觀遂命將簡士教眾爲戰陣之法凡爲陣少者在前長者在後其還則長者在前少者在後長者持弓矢短者持旌旗勇者持鉦鼓刀楯爲前行戟士次之槊者次之弓箭爲後行將帥先教士目使習見旌旗指麾之蹤發起之意旗臥則跪教士耳使習金鼓動止之節聲鼓則進鳴金則止教士心使知刑罰之苦賞賜之利教士手使習持五兵之便戰鬪之備教士足使習跪及行列險泥之塗前五日皆請兵嚴於場所依方色建旗爲和門都墀之中及四角皆建五采牙旗應講武者各集於其軍藏鼓一通軍士皆嚴備二通將士貫甲三通步軍各爲直陣以相俟大將各處軍中立旗鼓下有司陳小駕函簿皇帝武弁乘革輅大司馬介冑乘奉引入行殿百司陪列位定二軍迭爲客主先舉爲客後舉爲主從五行相勝法爲陣以應之

通考兵考

右北齊教閱

後周仲春敎振旅大司馬建大麾於萊田之所鄉稍之官以旗物鼓鐸鉦鏡各帥其人而致誅其後
至者建麾於後表之中以集眾庶質明偃麾誅其不及者乃陳徒騎如戰之陣大司馬北面誓之軍
中皆聽鼓角以爲進止之節田之日於所萊之北建旗爲和門諸將帥徒騎序入其門有司居門以
平其人旣入而分其地險野則徒前而騎後易野則騎前而徒後旣陣皆坐乃設驅逆騎有司表貉
於陣前以太牢祭黃帝軒轅氏於狩地爲壇建二旗列五兵於坐側行三獻禮遂蒐田致禽以祭社
仲夏敎芟舍如振旅之陣遂以蒐田如蒐法致禽以享祠仲秋敎練兵如振旅之陣遂以獮田如蒐
法致禽以祀方仲冬敎大閱如振旅之陣遂以狩田如蒐法致禽以享烝通考兵考

太祖大統五年冬大閱於華陰九年冬十月大閱於櫟陽還屯華州

周書太祖紀

大統十年冬大閱於白水十一年冬十月大閱於白水遂西狩岐陽

周書太祖紀

武帝保定二年冬十月帝御大武殿大射公卿列將皆會戊午講武於少陵原

周書武帝紀

天和三年冬十月丁亥上親率六軍講武於城南京邑觀者輿馬彌漫數十里諸蕃使咸在焉

周書武帝紀

紀

天和六年冬十月壬寅上親率六軍講武於南城

周書武帝紀

建德元年十一月丙午上親率六軍講武於城南

周書武帝紀

建德二年十一月辛巳帝親率大軍講武於城東癸未集諸軍都督以上五十人於道會苑大射帝

親射宮大備軍容

周書武帝紀

建德三年六月丁未集諸軍將教以戰陣之法十月丙辰行幸同州十一月己巳大閱於城東十二

月癸卯集諸軍講武於臨皋澤

周書武帝紀

宣帝宣政元年十一月己亥講武於道會苑帝親擐甲胄

周書宣帝紀

右周教閱

隋文帝開皇二年十二月辛未上講武於後園

隋書文帝紀

煬帝大業五年四月癸亥出臨津關渡黃河至西平陳兵講武

隋書煬帝紀

大業七年征遼東眾軍將發御臨朔宮親授節度每軍大將亞將各一人騎兵四十隊隊百人

置一百人

纛十隊為一團團有偏將一人第一團皆青絲連光甲鐵具裝青纓拂建俊貌旗第二團絳絲連珠犀甲獸文具裝赤纓拂建俊貌旗第三團白絲連明光甲鐵具裝素纓拂建俊貌旗第四團烏絲連元犀甲獸文具裝黑纓拂建六駭旗前部鼓吹一部大鼓小鼓及鼙長鳴中鳴等各十八其桐鼓又金鉦各二具後部鑼吹一部鑼二面歌蕭及笳各四具節鼓一面箏篋橫笛各四具大角十八具又

步卒八十隊分為四團團有偏將一人

第一團每隊給青隼盪幡一第二團每隊黃隼盪幡一第三團每隊蒼隼盪幡一第四團每隊烏隼盪幡一長壺幡及

甲整等各稱兵數

受降使者一人

給二馬輜車一乘白獸幡及節每騎吏三人車幅白從十二人

承詔慰撫不受大將制戰陣則為監軍

軍將發候大角一通步卒第一團出營東門東向陣第二團出營南門南向陣第三團出營西門西

向陣第四團出營北門北向陣陣四面團然後諸團嚴駕立大角三通則鑼鼓俱振第一團引行隊

間相去各十五步次第二團次前部鼓吹弓矢一隊合二百騎建騰獸旗鼙架二張大將在其末鞭

馬二十匹次大角次後部饒吹次第四團次受降使者次及輜重戎車散兵等亦有四團第一輜重
出收東面陣分爲兩道夾以行第二輜重出收南面陣夾以行第三輜重出收西面陣夾以行第四
輜重出收北面陣夾以行亞將領三百騎建鵞豹旗殿軍後至營則第一團騎陣於東面第二團
騎陣於南面鼓翊大將軍居中駐馬南面第三團騎陣於西南面第四團騎陣於北面合爲方陣四
面外向步卒翊輜重入於陣內以次安營定四面陣者引入營亞將率驍騎遊奕督察其安營之制
以車外布閒設馬槍次施兵幕內安雜畜事大將亞將等就牙帳馬步陣與軍中散兵交爲兩番五
日而代於是每日遣一軍發相去四十里連營漸進二十四日續發而盡首尾相繼鼓角相連旌旗
亘九百六十里天子六軍次發兩部前後先置又亘八十里通諸路台二十軍亘千四十里諸軍各
以帛爲帶長尺五寸闊二寸題其軍號爲記御營內者合十衛三臺五省九寺並分隸內外前後左
右六軍亦各題其號不得白言臺省王公以下至於兵馬私隸悉以綴於衣領各軍記帶諸軍並給
幡數百有餘事使人交相去來執以行執幡而離本軍者他軍驗記帶知非本部兵則所在斬之

兵考

案此爲征遼東事當屬出師然其儀節實係
將出軍之前先定其訓練閱之禮秦蕙田五禮通考

右隋教閱

魏太武眞君四年北征柔然騎十萬車十五萬兩旌旗千里遂渡大漠柔然怖畏不復敢南向

通考
兵考

隋遣諸將與突厥戰皆戎車步騎相參與鹿角爲方陳

通考
兵考

右車戰

宋文帝時垣護之從王元謨攻魏滑臺護之以百舸爲前鋒元謨旣敗魏軍悉牽元謨水軍大艚連以鐵鑠三重斷河以絕護之還路河水迅急護之中流而下每至鐵鑠以長柯斧斷之魏人不能禁惟失一舸餘並全

宋書垣護之傳

梁韋叡拒魏軍魏人先於邵陽洲兩岸爲兩橋立柵數百步跨淮通道叡裝大艦使梁郡太守馮道根等爲水軍會淮水暴漲叡卽遣之鬪艦競發皆臨魏壘以小船載草灌之以膏焚其橋風怒火盛敢死之士拔柵斫橋水又漂疾倏忽之間橋柵盡壞道根等身自搏戰軍人奮呼無不一當百魏人大潰

通考
兵考

孝元帝承聖元年湘東王繹遣王僧辨等討侯景景使侯子鑒拒之使人戒子鑒曰西人善水戰勿與爭鋒若步騎一交必當可破汝但結營岸上引船入浦以待之子鑒乃捨舟登岸閉營不出僧辨等停軍蕪湖十餘日景大喜以爲西師畏之乃復命子鑒爲水戰之備僧辨至姑熟子鑒帥步騎萬餘人渡洲於岸挑戰又以鵠舸千艘載戰士僧辨麾細船皆令退縮留大艦夾泊兩岸子鑒之眾謂水軍欲退爭出趨之大艦斷其歸路鼓譟大呼合戰江中景兵大敗

梁書侯景傳
及王僧辨傳

陳武帝時徐嗣徽引齊人渡江據蕪湖帝詔文育還都嗣徽等乃列艦於青墩至於七磯以斷文育歸路及夕文育鼓譟而發嗣徽等不能制而文育反攻之嗣徽驍將鮑碎獨以小艦殿文育乘軍解

艚跳入碎艦斬碎仍牽其艦而還賊眾大駭

通考兵考

梁王琳引合肥巢湖之眾舳舻相次而下陳侯瑱率軍進屯檻洲明日台戰琳軍少卻及夕東北風吹其舟艦並壞夜中有流星墜於賊營及旦風靜琳入浦以鹿角繞岸不敢復出時西魏將史寧臨其上流填聞之知琳不能持久收軍卻據湖浦以待其斃及史寧至圍郢州琳恐眾潰乃率船東下去蕪湖十里而泊明日齊人遣兵助琳填令軍士晨炊蓐食頓蕪湖尾以待之將戰有微風至自東南眾軍施拍縱火定州刺史章昭達采平虜大艦中江而進琳軍大敗脫走以免者十二三

通考兵考

歐陽紇據嶺南反陳將章昭達督眾軍討之紇乃出頓涇口多聚沙石盛以竹籠置於水柵之外用遏船艦昭達居其上流裝艦造拍以臨賊柵又令其軍人銜刀潛行水中斫竹籠籠篴皆解因縱火艦隨流突之賊眾大敗

陳書章昭達傳

隋文帝將伐陳命楊素造戰艦大艦名五牙上起樓五層高百餘尺左右前後置六拍竿並高五十尺容戰士八百人次曰黃龍置兵百人自餘平乘舫艦各有等差開皇八年伐陳素親帥黃龍數千艘銜枚而下舟艦被江旌甲曜日素坐平乘大船容貌雄偉陳人望之皆懼曰清河公即江神也

通考兵考

右舟師水戰

後魏明元帝時詔天下戶二十輸戎馬一匹大牛一頭又制六部人滿百口者調戎馬一匹

魏書太宗紀

太武幸柵陽驅野馬於雲中置野馬苑

通考兵考

孝文敕後軍將軍宇文福行牧地福表石濟以西河內以東距河凡十里帝自代徙雜畜置其地使福掌之畜無耗失以爲司衛監

魏書宇文福傳

初世祖平統萬及秦涼以河西水草豐美用爲牧地畜甚蕃息馬至二百餘萬匹橐駝半之牛羊無數及高祖置牧於河陽常畜戎馬十萬匹每歲自河西徙牧并州稍復南徙欲其漸習水土不至死傷而河西之牧愈更蕃滋及正光以後皆爲寇盜所掠無子遺矣

通考兵考

爾朱勞有馬十二谷色別爲羣

通考兵考

北齊太僕侍統驊騮

掌御馬及諸鞍乘

左右龍左右牝

掌驪馬

驊騮署又有奉乘直長二人左龍署有左龍局

右龍署有右龍局左牝署有左牝局右牝署有右牝局

隋書百官志

隋太僕寺有獸醫博士員

一百二十人

統驊騮乘黃龍廐等署各置令其後減驊騮署八殿內尙乘局改

龍廐曰典廐署有左右馭皂二廐加置主乘司庫司廩官

通考兵考

尙乘局置左右六閑一左右飛黃閑二左右吉良閑三左右龍媒閑四左右駒駘閑五左右馱駘閑

六左右天苑閑

隋書百官志

右馬政

魏和平三年十二月乙卯制戰陣之法十有餘條因歲除大儺遂耀兵示武更爲制令

北史魏帝紀

北齊常以季秋講武於都外有司先萊野爲場爲三軍進止之節凡爲陣少者在前長者在前長者在前少者在後其還